



Synfocity = 602

mail us at : mzsynfo@gmail.com; mizoramsynod@gmail.com - Phone - 2314648

8th September, 2016

- **Praise On Second Round Tan a ni leh dawn ta**
 Praise On Audition Round chu Zone hrang hrangah hlawhtling taka zawh a nih hnu-ah eptember 13 - 16, 2016 chung hian Bungkaw Kohhran Golden Jubilee Hall-ah tan a ni leh dawn ta a, Hruaina Eng TV Channel-ah Live a pekchhuah thin a ni ang.
 Audition Round paitlang mi 254 ten Second Round intihsiakna hi an nei leh dawn a, nitin zing dar 10:00 atanga tlai dar 5:00 thlang neih thin a ni ang.
 Second Round ah hian Mizo hla pakhat a tuana sak tur a ni a, medley phal a ni lo. Hla rem nan Keyboard pakhat leh Acoustic Guitar pakhat hman theih a ni a, Keyboard emaw Guitar emaw chauh pawh hman theih a ni. Keyboard emaw Guitar emaw pahnih hman theih a ni lovang.
 Keyboard hi chhawp sa a ni ang a, chu chauh chu hman tur a ni a, Ri pakhat chauh (Piano, Strings, Organ emaw an ri duh ber) hman tur a ni a, dual phal a ni lo. Contestant te Guitar chhawp sa hmang tura beisei an ni a, mahni Guitar hman ngei mamawh tan Mic up chauh phal a ni ang. Zai hun ruahman saa zai thei lo tur chuan Convener hnenah report tur a ni a, an theih loh chhan a zirin an zai hun siam rem theih a ni ang a, an Serial No. ngai an chhawm ang. Contestant te chu an zai hun hma darkar chanve hma ngeia Hall thlang tura beisei an ni.
 Second Round atanga thlang tur Bungkaw Kohhran te hi an inbuatsaih tha hle a, Hospitality Committee siamin Praise On hlawhtlinna turin theih tawp an chhuah a ni.
 Show tan dawn apiangin Tawngtaina hlan thin tur a ni a, hun hmang tur te chu:
 Sept. 13, 2016 dar 10:00 am : Rev. Lalchhuanmawia, i/c. Bungkaw Pastor Bial
 Sept. 14, 2016 dar 10:00 am : Upa Sailothanga Sailo, Synfo Comt. member
 Sept. 15, 2016 dar 10:00 am : Upa C. Lalremsiama, Synfo Comt. member
 Sept. 16, 2016 dar 10:00 am : Upa Zonunmawia, Gen. Secy. CKTP
- **Beihruah 2016**
 Presbyterian Kohhran chuan September 1, 2016 atang khan Beihruah thla an hmang tan. September 5 - 10, 2016 chung hian 'Ramthar Hapta' hman a ni ang a, September 19 - 24, 2016 hian 'Kristian Chhungkaw Hapta' hman a ni baw ang. September 25, 2016 (Pathianni)-ah 'Nu leh Pate Ni leh Kristian Chhungkaw Ni' hman a ni ang.
 Beihruah hi kum 1918 June thla atanga hman tan a ni a, kum 1925 atangin September thlaah neih thin a ni ta a, kum 1947 atangin Nilai Zan Thupui Bu leh Beihruah Thupui hi bu khata siam tan a ni.
- **Synod Finance Committee vawi 119-na an thu**
 September 7, 2016 (Nilaini) khan Synod Finance Committee Vawi 119-na chu Synod Office a Lloyd Hall-ah an thu. Finance Committee hi Synod Moderator Rev. H. Lalrinmawia'n a kaihrui a, Finance Secretary hnen atangin Chartered Accountant in Synod Account July 7-13, 2016 chung a Audit a nih thu te, Pastor Bial hrang hrang a Finance Campaign leh Accounts Training te neih a nih thu te report ngaihthlak a ni a. He meeting ah hian sum renchem zawnga hmalak dan tur chungchang te, NEICC in Synod tum tur Budget a rawn siam te, Bial Treasurer ten Bank kaltlanga Synod sum an chhunluh dan kaihhruaina te, Paper leina tur harsatna avanga PRESCOM lamin harsatna an tawh thu te leh thu pawimawh chi hrang hrangte ngaihtuah a ni.
- **Naupang Inkhawmpui**
 September 11, 2016 (Pathianni) hian Presbyterian Kohhran Naupang Sunday School (Beginner - Sacrament Department) ten Kohhran hrang hrangah Inkhawmpui an nei ang a, thu leh hla hmangin intihsiakna an nei ang. September 18, 2016 (Pathianni) hian Senior Department ten Inkhawmpui Bial tinah an nei thung ang.
 Kumin 2016 hian MSSU hnuaiah Naupang Sunday School Zirtirtu 46541 an awm a, Zirlai 384493 an awm a. A vai belhkhawmin 431034 an ni. Senior Department bikah tunah hian Zirtirtu 4558 an awm a, Zirlai 30191 an awm a. A vai belhkhawmin 34749 an ni.
- **Synod-in chhawmdawlina pe**
 Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.
- | S.No | Khua | Pek chhan | Chhungkaw zat | Chhawmdawlina pek zat |
|--------------|----------------|-----------------------|---------------|-----------------------|
| 1. | Kepran | Leimin vanga In chhia | 3 | Rs. 18,000/- |
| 2. | Kepran | Leimin vanga In thiah | 3 | Rs. 15,000/- |
| 3. | Jugicherra | Damlo | 1 | Rs. 4,000/- |
| 4. | Tlangnuam West | Khawsak harsa | 1 | Rs. 5,000/- |
| 5. | Edentharr | In luah chim | 3 | Rs. 12,000/- |
| 6. | Zokhawthar | Lung tha lo | 1 | Rs. 5,000/- |
| TOTAL | | | | Rs. 59,000/- |
- **Campus Ministry**
 ♦ September 4, 2016 (Pathianni) zan khan Greenland Higher Secondary School, Chaltlanga Hosteller zingah hun an hmang a. He hunah hian Tv. Lalhmunzauva Tlau, Counsellor in hun hmangin 'Tunlai khawvelah thalaiten Nunna hlutzia kan hriat thar leh a tul thu sawiin, Nun hlutna tak tak hrechhuak turin Pathian nena inzarzawm nun kan neih a tul thu a sawi.
 ♦ September 8, 2016 (Ningani) hian Dinthar High School-ah hun an hmang leh ang a, September 9, 2016 (Zirtawpni) hian Chaltlang High School-ah hun an hmang leh ang.
- **Bookroom**
 ♦ Synod Bookroom Khawhai Distribution Centre chu September 1, 2016 khan Khawhai Bialtu Pastor T. Thuamlia'n Khawhai-ah a hawng a, Khawhai Distribution Centre hi Synod Bookroom Distribution Centre 29-na a ni. He Bookroom hi NI. Lalhriatmawii'n a enkawng ang.
 ♦ Lawngtlai Bookroom incharge thar tur Tv. Malsawmdawngliana chuan September 1, 2016 (Ningani) khan Lawngtlai a hna a zawm ta.
- **Education**
 September 5 - 8, 2016 chung khan PES Programme in Upa DP Biakkhuma, Supervisor of Schools chu School hawn dil enfiah leh School tlawhin Zokhawthar, Champhai Zotlang, Ngur, Champhai Zote, Chawngtlai, Tualte, Khawhai leh Lungtan ah te a kal.

Contd...

- **Mission Board**
September 6 - 11, 2016 chung hian Bethlehem North Kohhranah Ramthar Campaign-in Dr. Robert S. Halliday, Coordinator, SMB-in hun a hmang ang.
- **Zin**
 - ◆ September 7 - 12, 2016 chung hian PCM Phai Synod Pastor Conference hmanpui turin Tahan-ah Rev. Lalramliana Pachuau, Senior Executive Secretary a kal.
 - ◆ September 8 - 16, 2016 chung hian Partnership Committee & Barak Area Committee nei turin Diphu-ah Rev. H. Lalrinmawia, Moderator leh Upa H. Ronghaka, Synod Secretary leh Rev. K. Lalrinmawia, Secretary, SMB te an kal.
 - ◆ September 10 & 11, 2016 chung hian Sialhawk Bialah Finance Campaign nei a ni dawn a, hemi hunah hian Rev. PC Pachhunga, Executive Secretary, Upa PC Vanlalrova, Office Assistant, T.Upa C. Lalchullova leh Pu Lallawmzuala Pautu (Revival Speakers) te an kal.
- **KTP**
 - ◆ September 10, 2016 (Inrinni) khian Chhingchhip Venghlun Branch Diamond Jubilee lawm a ni dawn a, hemi hunah T.Upa H. Ramnunsanga leh Pu Lalhnehzova (Comt. Members) te an kal ang.
 - ◆ Presbyterian Kohhran Kalphung Thupui Zir tur chu peih fel tawh a ni a, KTP Office-ah lei theih a ni e.
- **Social Front**
September 10 & 11, 2016 chung hian Economic Awareness Campaign nei turin Chhiahtlang Kohhranah Dr. Saithantluanga leh Upa Zothanmawia te an kal ang.
- **Revival Dept**
Synod Revival Speaker te hetiang hian Camping/Crusade neiin hun an hmang:

Sept. 2 - 9, 2016	Laldinthara, Speaker	Keifang Mel Veng Kohhran	Crusade
Sept. 2 - 11, 2016	R. Lalbiaksanga, Speaker	Kawlbem Kohhran	Crusade
Sept. 3 - 11, 2016	Vanlalvuana, Speaker	Lungdai Kohhran	Crusade
Sept. 4 - 11, 2016	R. Lalhruaimawia, Speaker	NE Khawdungsei Venghlun	Crusade
Sept. 4 - 11, 2016	Lalthara, Speaker	Bairabi	Crusade
Sept. 4 - 20, 2016	Upa C. Zosangliana, Speaker	Kawnpui Kohhran	Camping
Sept. 5 - 11, 2016	Upa Lallawmsanga, Speaker	Champhai Ramthar Kohhran	Crusade
Sept. 6 - 11, 2016	C. Lalnunsanga, Speaker	Neihbawih, Sihphir	Camping
Sept. 6 - 14, 2016	Lalremruata, Speaker	Bungtlang Vengsang Kohhran	Crusade
Sept. 6 - 18, 2016	Lalsangzuala Ngente, Speaker	N. Chawnpui Kohhran	Camping
Sept. 11 - 18, 2016	R. Lalrisanga, Speaker	Lunglei	Camping
Sept. 12 - 18, 2016	H. Laltanpuia, Speaker	Tuikawi Kohhran	Crusade
Sept. 13 - 25, 2016	C. Lalzahawma, Speaker	Khawzawl Kohhran	Camping
Sept. 13 - 18, 2016	Lalremruata, Speaker	Champhai Kohhran	Crusade
Sept. 14 - 18, 2016	C. Lalramzauva, Speaker	Zawlnuam Kohhran	Crusade
Sept. 16 - 18, 2016	Laltlanmawia, Speaker	Lumding	Crusade
Sept. 16 - 18, 2016	Jerry Laltanpuia, Speaker	Diphu	Crusade
Sept. 16 - 18, 2016	Lalremruata Sailo, Speaker	Tura, Guwahati	Crusade
Sept. 21 - 25, 2016	Lalremruata, Speaker	Phullen Vengthar Kohhran	Camping
Sept. 21 - 25, 2016	Jerry Laltanpuia, Speaker	Sihphir Venglai Kohhran	Crusade
- **Hruaina Eng FM Radio & TV Programme**
 - ◆ **SEPTEMBER 9, 2016 (FM ZOAWI AIZAWL @ 7:30 P.M.):**
Solo : Henry Varte - *Khawvel hi bo mahse*, **Zaipawl :** East Delhi Mizo inkhawm Zaipawl - Ebenezer, **Thusawi :** Dr. Babie Zirnunsangi - *Cancer Chungchang*, **Solo :** David Vanlalpeka - *Ka dam leh Dawn*, **Zaipawl :** Kulikawn Kohhran Centenary Zaipawl - Vawiin
 - ◆ **SEPTEMBER 9, 2016 (FM LUNGLEI @ 7:30 P.M.):**
Solo : Henry Varte - *Khawvel hi bo mahse*, **Zaipawl :** East Delhi Mizo inkhawm Zaipawl - Ebenezer, **Thusawi :** Dr. Babie Zirnunsangi - *Cancer Chungchang*, **Solo :** David Vanlalpeka - *Ka dam leh Dawn*, **Zaipawl :** Kulikawn Kohhran Centenary Zaipawl - Vawiin
 - ◆ **SEPTEMBER 11, 2016 (Tv Programme) @ 3:00 p.m) :**
Weekly Round Up, Praise On Audition Round Review
- **Susamachar Prasaran Programme**
 - ◆ **SEPTEMBER 11, 2016 (Pathianni) 5:00 pm.**
Group/Choir/Solo : *The Leprosy Mission Choir - Ham Soup Te He*, **Group/Choir/Solo :** *Durtlang Masihi Sangati - Halleluiah Chorus*, **Sermon :** Rev. P.C. Rohlira, **Group/Choir/Solo :** *PC Lianhmingthanga - Ye Dharti*, **Group/Choir/Solo :** *H. Vanlalringa - He Mere Man*
- **Moderator Programme**
Synod Moderator Rev. H. Lalrinmawia chuan tunkar tawpah hetiang hian hun a hmang ang :
 - ◆ September 8 - 16, 2016 Partnership Committee & Barak Area Committee Diphu

HNARUAK DIL THEIH

A hnuacia tarlan ang hian John Williams Hospital, Lungleiah Contract basis-a thawk turin hna a ruak a, kum 18 - 35 inkar tan a dil theih a ni. Application Form chu Synod Office atangin lakchhuah tur a ni a, chutah chuan hriat tur pawimawh tihtlan a ni. Dilna chu a hnuacia hming ziak hnenah hian thehluh tur a ni.

Dil theih hun chung : September 29, 2016 (Ningani) Dar 4:00pm thleng

Interview : October 4, 2016 (Thawhlejni) Dar 10:30am

Hna hming	Post ruak zat	Qualification
1. Medical Officer	2	MBBS (Any Recognised University)
2. Office Assistant	1	HSLC of any recognised Board (Computer thiam an ni tur a ni)

Rev. Lalramliana Pachuau
Secretary
Synod Service Board
Mizoram Presbyterian Church Synod